

海州文獻錄敘

余官江南得交許君石華蓋知名者四十年老名士也其少時受知唐陶山先生先生奇其才時以海州舊乘缺略開志館於州廡之肆雅齋延石華與其弟月南分任纂修成鉅製三十二卷號爲唐志體例一新志成二

年石華舉於鄉旣而出宰岱下民愛之呼爲許青天歸田後主海州講席江淮學者爭趨其門值海疆不靖君集衆據險遙爲控制時余奉

命防堵晏然無東顧之憂者資其保障也疏

海州文獻錄

敘

一

東平州志雲臺新志球陽瑣語票鹽志略諸書文章經濟卓然足傳念唐志旣成以後迄今又四十年其間疆域沿革陵谷異名人事改觀風俗變易拾遺補闕引爲已任乃舉平時所輯志料編次成帙以補前志之遺顏曰海州文獻錄其纂述凡例見於各卷案語及末卷考證一門經心史識擇精語詳讀者有望洋之歎然其自敘日志以經世非以博物今觀所錄十六卷於水利則詳載名臣奏議及童石塘太守二千餘言而尤於票鹽一卷盛稱陶文毅公之成績謂近來義倉儲穀講舍橫經河渠深通關梁整飭設防肆干城之選崇文裕公車

之費皆由鹺綱再造成太平之宇而彰志乘之光此固今日海州之大勢也其勝蹟錄首稱物阜人熙金石錄冠以印心石屋作者與文毅公相知最深可以喻其微愔然則讀是編者勿徒訝其沈博絕麗之才而能得其輔世長民之意是則石華之知己也顧文軒司馬來京師君寓書徵敘文軒歸程甚速走筆應之其以余爲能知其深否

道光乙巳孟冬長白麟慶撰於京邸之玲瓏山館

海州文獻錄編校姓氏

州人許喬林石華甫編輯

同學張星耀春江顧昌德懿修吳振勃筠齋

張敦悌友于汪建德樹功姚中孚心畬

程立中梅谿李棣怡堂張文渭秦川

龍良恒君常王述古聖謙程禮勳東筠分編

受業喬紹謙益亭苗坦之平野方楸鬯元

孫世冕雲裔方葵天如陶應榮柳村

丁嗣梗魯直楊大沛雨香丁峻峰象山

吳如柏孟堅楊德昭粹涵吳筠介夫

海州文獻錄

編校姓氏

一

吳立坦履齋唐學林藝芳吳懷徵伯

程愷勳蓮峰汪深獻其鄭淦麗生

成德瑛玉仁翁恕存如心王景珮孚齋

金源仲騫周冕弁山姜朝元體齋

張榮光應河程然吟樵張承鑑少泉

李閔綱養中顧鼎仙湖沈觀國利賓

劉永觀省齋張鴻飛賓南倪道一性涵

馮鍾俊顛升唐昆基霞耕張翰飛金詔

相鴻輅樸齋方焞子純江能經緯之

程鈺粹貞姪瀚元浩男徵容徵耀同校

海州文獻錄總目

序文

編校姓氏

卷一

方域錄

卷二

羣山錄

卷三

水利錄

卷四

勝蹟錄

卷五

票鹽錄

卷六

倉儲錄

卷七

學校錄

海州文獻錄

總目

一

卷八

祀典錄

卷九

寺觀錄

卷十

宦績錄

卷十一

人物錄

卷十二

列女錄

卷十三

藝文錄

卷十四

金石錄

卷十五

雜綴錄

卷十六

考證錄

右海州文獻錄十六卷踵吾師善化唐公州志

之後補其偶遺續所未及事必徵信辭尙體要
凡唐志已具者茲不復衍至其編纂凡例各見
本卷案語及末卷考證門其中損益微指略仿
吳錄雍錄兼酌采近世松陵文獻廣陵通典崇
川咫聞錄諸書之例不敢妄騁臆說也昔人謂
志以經世非以博物喬林此錄雖博綜羣書尙
不同記醜而博其於當代名賢經世之閱議備
載簡編仁人之言其利溥豈獨在一時一事也
哉若夫方域一門不復補錄

大清一統志而恭錄

海州文獻錄

總目

二

欽定皇朝文獻通考者以通考成於統志之後且

天祿石渠之笈獲見者希也學校門附錄板浦

文昌閣者爲敦善書院科第之祥也昔康對山先

生武功縣志固以寶意寺鴻禧觀次於

文廟矣志例舉隅皆有義法其體本稍異於官書

爾桑梓必恭棗梨亦壽敬以俟後之秉志筆者

道光壬寅歲上元日海州許喬林謹識

里東至大海一百二十里西至山東沂州府府郟城縣界一百五十里南至淮安府安東縣界一百五十里北至沂州府日照縣界一百五十五里東南至海二百里西南至徐州府宿遷縣界一百六十里東北至海一百里西北至沂州府治二百四十里本州境東西距一百七十五里南北距一百九十里東界高公島大海西界郟城縣南界安東縣北界贛榆縣自州至

京師一千七百里明初省州治朐山縣入州復爲海州屬淮安府

海州文獻錄

卷一 方域

二

本朝初因之雍正二年升爲直隸州以贛榆沐陽縣來屬凡領縣二

贛榆縣在州北八十里初屬淮安府雍正二年分屬海州

沐陽縣在州西南一百二十里初屬淮安府雍

正二年分屬海州

皇朝文獻通考

古徐州南以淮水與揚分界今自清口以下黃河所行卽導淮會泗沂之故道故自徐州府外若淮安府之桃源安東二縣海州及所屬贛榆沐陽二縣並在淮北當爲古徐州地

皇朝文獻通考

史記周本紀封黃帝之後於祝祝東海祝其縣也

唐張守節
史記正義

海州中隋東海郡武德四年置海州總管府領漣
環東楚四州海州領胸山龍沮新樂曲陽沭陽厚
邱懷仁利城祝其九縣六年改新樂為祝其七年
以東楚州屬揚府又以沂州來屬八年廢環州及
龍沮新樂曲陽厚邱利城祝其六縣仍以廢環州
之東海來屬九年廢漣州貞觀元年罷都督府天
寶元年以海州為東海郡乾元元年復為海州
舊領縣四胸山東海沭陽懷仁 在京師東二千

海州文獻錄

卷一 方域

三

五百七十里至東都一千七百五十四里

胸山 郭下漢胸縣後加山字 東海 漢贛

榆縣武德四年置環州領東海青山石城贛榆

四縣八年廢環州仍廢青山等三縣入東海縣

隸海州縣治鬱州四面環海 沭陽 漢厚邱

縣後魏改沭陽 懷仁後魏置 舊唐書
地理志

海州禹貢徐州之域七國時屬楚秦為辭郡漢為

東海郡魏為海州 宋陳彭年等
重修廣韻

海州五代改為監本朝復改監為州 宋潘自牧
記纂淵海

汲郡古文周平王時齊人滅祝案祝此東海縣也

惠棟九
經古義

魏書地形志之東彭城郡爲今海州龍苴鎮地東
海郡爲今海州雲臺山地海西郡爲今海州新安
鎮地沭陽郡爲今沭陽縣地琅琊郡爲今海州治
武陵郡爲今贛榆縣興莊地蓋自東魏武定七年
己巳改海州治龍沮城凡領六郡十九縣時魏與
梁爭彈丸之間碁置六郡此用武時之權制比諸
星離豆剖略可考見一斑爾

許桂林半
古叢鈔

州治之南六十里有鎮曰龍苴

苴或作且一作
沮史文互異故

老相傳爲淮陰侯破楚將龍且之處唐獨孤及毘
陵集中有早發龍且館寄東海李司倉鄭司戶詩
所稱楚水東山與此間形勝恰合是海州之龍且
其來已久今墟市所聚纔數百家而當蕭梁元魏
時曾於此置龍沮縣魏武定七年爲海州治是時
海州領郡凡六東彭城郡治龍沮是龍沮爲東彭
城郡附郭之縣卽爲海州刺史駐節之所此邦海
州之名實始於此至高齊文宣帝始移海州治琅
琊卽今之州治也此海州沿革之最大者魏書地
形志南齊書州郡志元和郡縣志可互證也

以下
新增

元魏時於郁州置臨海鎮世宗永平四年賜盧昶

海州文獻錄

卷一 方域

四

詔曰朐山爲戍郁州之本是郁州實爲重鎮又稱水陸交湊揚郁路衝則以郁州與揚州並爲輻輳要區顧祖禹方輿紀要海州下所云阻海連山南北衝要六朝時置重鎮於此指郁州也

鬱州爲古東海縣地人皆知之按宋書州郡志魏書地形志南齊書州郡志鬱州

案鬱州或作郁州一作郁洲史文互

異又嘗爲鬱縣都昌安流廣饒諸縣治

考宋書州郡志證以南齊書州郡志鬱州爲齊郡治在宋泰始以後齊建元以前至建元初徙齊郡治瓜步始以北海郡治鬱州也

海州文獻錄

卷一 方域

五

人知海州屬江寧布政使司而不知曾屬江蘇布政使司伏讀

欽定皇朝文獻通考內載

國初江南設左右兩布政使司皆駐江寧府右布政使司轄江蘇松常鎮五府左布政使司轄安徽寧池太廬鳳淮揚九府徐滁和廣德四州是時海州隸淮安府屬江南左布政使司至順治十八年移右布政使司駐蘇州而左布政使司仍駐江寧是時海州仍屬江南左布政使司康熙五年改屬右布政使司六年停左右布政使司之名定爲江蘇

安徽兩布政使司是時海州屬江蘇布政使司及
乾隆二十五年始定江蘇設兩布政使司一駐江
蘇領蘇松常鎮四府太倉一州一駐江寧領江淮
揚徐四府海通二州從此海州始屬江寧布政使
司此如宋時海州屬淮南東路然淮南分東西兩
路始於仁宗熙寧五年當熙寧五年以前固屬淮
南路也此亦考沿革者所宜知也

海州城嘉慶二十三年知州韓城師公亮采重修
凡用銀三千二百六十兩州之紳士共蠲貲二千
七百兩師公蠲俸銀五百六十兩以成之自秋徂

海州文獻錄

卷一 方域

六

冬三月而竣

師亮采重修海州城記

禹門文鈔

昔王應麟謂海州爲東南之藩籬顧祖禹方輿紀
要亦云海州阻海連山南北襟要又云水陸交通
可左可右故言東南形勝者必以此州爲要區崇
墉設防藉資控制雖

昇平不能弛備也

亮采

於嘉慶丙寅歲來知州事循例

閱城詢之父老知前州牧唐公仲冕曾議重修因
建試院開甲子河鼙鼓方興將次第及之亮采建
議及時營繕會以王營減壩之水下注州境成澤

國拊循振貸日不暇給旋受代以去至乙亥歲再領是州相隔已十年芻風上雨傾圯日甚躬親周覽亟謀重修案志乘州城創自梁天監中至宋紹興三十二年魏忠壯公勝復築城浚池屹爲重鎮然皆土城耳明永樂戊戌始甃之以甃我

朝順治初知州陳公培基陳公爾靖皆有修葺之役乾隆中權知州事沈君漣州判彭君方周請

帑重修凡用銀六千七百兩有奇蓋五十年於茲矣天下事創每難於因獨土木之工則因難於創至創者益遠因者相仍而在後之因更難於在前之

海州文獻錄

卷一 方域

七

因何者甃甃之質不能與金石同堅而營造有式例價有程保固有限舊貫雖可仍而於百年陳陳相因之後欲以補偏救敝之力維持於不敝豈不難哉父老爲言衛大司空哲治知是州時早有重修之議其後三十餘年始克修之今觀察唐公會議重修又閱十餘年矣上距衛公時幾九十年則今日之因更難於前此之因爲何如也雖然補偏救敝亦數十年之利也

亮采

既上其事於大府而

州人嚮義蠲貲凡得銀二千七百兩有奇經始於嘉慶二十三年九月凡三月而工竣

亮采

蠲俸金

五百六十兩以成之垣墉鞏固麗譙聿新是年暘
雨應時役不勞而事易集

昇平設防固守土者之職也其亦衛大司空及今觀察
唐公之志也夫爰記其歲月以諗來者

唐仲冕抵海州作

陶山詩錄

海山深處策征駢敢道遷官好息機屈指歲華三
月暮回頭宦蹟十年非自慚素飽占鴻漸筮遇漸之巽
空羨高鶩看鶴飛入境麥苗愁欲槁下車先與事

春祈

擘柳風來坐撤簾隨車頗惜雨廉纖都亭豈有干

海州文獻錄

卷一 方域

八

公獄闖市曾無學士鹽樹擁胸山雲護郭花開石
室月窺檐佩刀解識攜鋤樂但祝春膏徧野霑

唐仲冕述海州風景

陶山詩錄

入境難求水味甘黃茅白葦駕驂驪那知雉堞北
山北卻憶鶯花三月三雲氣忽然來海上風光全

不似江南曼卿已作芙蓉主但賸巉岒石一龕

石曼卿

卿嘗判海州有芙蓉洞萬花巖故蹟

下車三日上雲臺不爲貪看疊嶂開紫府神君蟠
島嶼綠章封事啟風雷黃公冢上晴煙散孝婦祠
邊暮雨來小麥高田望霑足青伊湖已怨汗萊

恬風古渡白沙平峭壁飛泉尙有情蘇拂唐碑獅

子石

鬱林觀有唐崔逸隸書磨崖

雲封宋堞鳳皇城

東海營有鳳皇城宋

賈似道所築

鯨波未靖曾裁海鼇極常安特建營欲訪

秦東門刻處之采縹緲晚潮生

元虛作賦不言鹽府海由來厲禁嚴利奪牢盆齊

國煮法施足趾楚人鉗池通方卦連天白垣起圓

椒突地尖物產無窮民產匱最難調劑是閭閻

景疏臺上舊懷清鼓篋譚經几席橫月旦有人推

許劭風流他日繼匡衡

觀風試士得許生桂林爲雋

親裁甲乙

三千牘會闢東西一百楹

擬建書院試棚故云

莫怪天荒緣

海州文獻錄

卷一 方域

九

地脈五雲深處卽蓬瀛

絕潢斷港壅溝畦半近山阿半礪谿一畝宮多無

甲第七施泉少有庚泥爰居門外風常北牡蠣牆

頭日易西不是催科全不用年年蠲緩養窮黎

聞道重湖水易瀦桑田六月化沮洳當乘未雨綢

繆早敢使無鳩勞來疏漢案戶疑通博望沙盛囊

似困龍且

博望龍且二鎮名

殷勤父老條宣洩勸我循行

有故渠

青伊湖受駱馬湖水泛溢害民田廬當於下流開渠通潮以洩之

雨餘石罅水晶圓採掇從他不稅錢偶下朱符徵

鶴戶

州產鶴有鶴戶近亦不易得

頻題墨榜揭漁船仙禽豈受

官徭繫水族何容伍籍編多謝山樵獻山藥產何首烏
年來鬚鬢已蒼然

馬疲東野想優游到此崎嶇未少休桑孔兼灌州
刺史邾滕小會澤諸侯訟庭那許清槐夏行縣難
逢稔麥秋轉憶送迎當赤緊看花選樹儘勾畱

中河波淺機輕艤信宿符簷旅店窗打麥聲中
小騎轉蓬塵外度橫杠潮音已上琴三疊舟具曾
無鶴一雙路入淮陰風色利時將赴吳門蒲帆半日到

邗江

曾燠晚登海州城樓簡唐孫二牧賞雨茅屋詩集

海州文獻錄

卷一

方域

十

孤城接混茫歲暮况殘陽海氣兼天凍山雲滿市
黃飢寒人命賤寬猛吏才妨吾欲呼龍起境田望
雪忙

陶澍沭陽道中陶文毅公集

問俗欣乘沭水春落花飛葢樹沿村楚風舊域恢
東海淮雨連圻鎖北門山走羽淵千里豁原鋪鱗
隰六塘渾迎人震霖征塵淨恰喜青青漲麥痕

陶澍曉發沭陽入海州陶文毅公集

胸程東指曙光催曉露如珠上麥胎古蹟尙存龍
且號遙山多白馬陵來屏開錦繡霞千疊錦屏卽胸山在

州城南海隔薔薇水一杯州城北有薔薇河知是陳唐舊湯

沐同郡陳恪勤公鵬年唐陶山先生仲冕俱祀海州名宦祠九疑鄉色望雲臺

海州雲臺山舊在海中相傳從九疑飛來故又名蒼梧山

陶澍海州道中陶文毅公集

表海居然控列壙州如斗大此稱雄泆沂平引青
州浸齊楚橫當大國風里有高門容駟馬畎餘夏
翟貢華蟲獨慚無術紆鶉結綏輯惟應祝屢豐

海州文獻錄

卷一 方域

海州文獻錄卷二

州人許喬林編輯

羣山錄

謹案唐志所載海州之山凡一百十二較舊乘增多四十有奇然如沭陽之武都山尙漏甄采贛榆之吳山沭陽之馬嶺山雖已采入而未引魏書地形志此酈善長所謂年代荒邈陵谷異名者今據史以補其闕道光壬辰乙未兩江總督陶文毅公按部海州登雲臺之巔遂陟高公巒題名磨崖復改白虎山爲鼇頭山祝多士登

海州文獻錄

卷二 羣山

一

瀛焉昔晉之鄒湛稱羊太傅令聞令望當與峴山俱傳若文毅公之澤徧三江再造淮北其令聞令望初不藉此山以傳也而海隅之珉岑瑰阜將藉公而益彰矣輯羣山錄第二

鼇頭山在州治西南一里舊名白虎山一名白璧山道光乙未夏四月兩江總督陶文毅公閱兵海上改名鼇頭山賦詩紀之新增

陶澍鼇頭山詩

有序詩帖

海州城西有白虎山其名弗馴或稱白璧亦弗肖余諦視之實類鼇然爰取曉策扶桑之意更

其名曰鼇頭以鎮海疆兼爲多士登瀛之兆
地接瀛洲近山應戴巨鼇憑將綸五色一釣海天
高

胸山在州治南四里山巔雙峰列峙故老相傳爲
秦東門遺址

金党懷英胸山驛亭阻雨

竹溪集

脫葉蕭蕭山木稠連檣飄汎海蓬秋浪回胸島馮
夷舞雲暗蒼梧帝子愁欲往未行淹僕馬乍來還
去羨鷓鴣景疏樓下無邊水暫濯塵纓可自由

党懷英胸山弔石曼卿

竹溪集

海州文獻錄

卷二 羣山

二

城頭山色翠玲瓏尙憶清狂肆飲翁鐵馬冰車斷
遺響桃花石室自春風平生詩價千鈞重身後仙
遊一夢空想見蓬萊水清淺芙蓉城闕五雲中

党懷英胸山道中

竹溪集

二年三到水雲鄉瘦馬凌兢怯路長野雪未乾春
未雨紙鳶飛起暗塵黃

吳歌楚語海山間織葦苦孤便自安已作稻塍猶
未種小溝流澀水車乾

海路東南萬壑傾青山孤起壓重城驛亭春半餘
寒雪牆角無人草自生